

Эхэ найхан нютагаа эд хамта мандуулая!



БУРЯАД ҮНЭН

1921 оной
декабриин 21-нээ
гарана

Бүгэдэ
арадай
газетэ

1996
ОКТАБРИИН
25
Намарай адаг шара
нохой
барын 14
ПЯТНИЦА
гарагай 6
№205 (19545)
Газетын сэн
хэлсээтэ.

БУРЯАД РЕСПУБЛИКЫН АРАДАЙ ХУРАЛАЙ ТҮРҮҮЛЭГШЫН ЗАХИРАЛТА

Буряад Республикын Арадай Хуралай нэгэдэху зарлалай арбан хоёрдохи сесси зарлаха тухай

Буряад Республикын Арадай Хуралай ээлжээтэ арбан хоёрдохи сессиие 1996 оной ноябриин 25-да Улаан-Үдэ хотодо зарлаха.

Буряад Республикын Арадай Хуралай Түрүүлэгшэ
М. СЕМЕНОВ.

1996 оной октябриин 21.

Буряад Республикын Арадай Хуралай арбан хоёрдохи сесси дээрэ хаража үзэгдэхөөр хараалагдаһан асуудалнууд

"Эрдэм ба эрдэмэй-
политика тухай"
Буряад Республикын Хуули
тухай (хоёрдохи уншалга).
"Буряад Республикын 1997
оний республиканска бюджет
тухай" Буряад Республикын
Хуули тухай.
"Буряад Республикын
гадаадын экономика ажал
тухай" Буряад
Республикын Хуули тухай.
"Буряад Республикын хүн
экономике туберкулёзһоо хам-
гаала тухай" Буряад Респуб-
ликын Хуули тухай.
"Нютагай өөһэдэн хүтэлбэ-
рине эмхидхэхэ юрэнхы гол
эһоннууд тухай" Буряад
Республикын Хуулида хуби-
лалтанууд ба нэмэлтэнүүдые
оруулха тухай" Буряад

Республикын Хуули тухай.
Буряад Республикын
Арадай Хуралай регламентда
хубилалтанууд ба нэмэлтэнүү-
дые оруулха тухай.
Буряад Республикын
прокуророй тушаалда А. Ф.
Покацкий томилхо тухай
Россин Федерациин Гене-
ральна прокурорто зүбшөө-
лөө үгэхэ тухай.
Россин Федерациин
субъектнүүдэй хуули гаргал-
гын үүсхэлтэйгээр Россин
Федерациин Гүрэнэй Дүүмэ-
дэ ородог хандалганууд
тухай.
"Буряад Республикын
ниислэл—Улаан-Үдэ хотын
статус тухай" Буряад Респуб-
ликын Хуули тухай.
"Гүрэнэй албанай стаж

тооложо гаргаха гурим тухай"
Буряад Республикын Хуули
тухай.
Буряад Республикын
Арадай Хуралай депута-
дуудай сессинүүдэй хүдэлмэ-
ридэ хабаададаг тухай
мэдээсэл.
"Хуулиин проектнүүдые
зохёолгын байдал ба
саашанхи хараа зорилгонууд
тухай" Арадай Хуралай 1995
оний ноябриин 23-най
тогтоолой дүүргэлтэ тухай
мэдээсэл.
Эрдэм нуралсалай эмхи
зургаануудай хэрэгтэ
зорюулжа, "юридическэ
ньюрнуудһаа суглуулдаг
мүнгэн тухай" Буряад
Республикын Хуули тухай.

МЭДЭНЭ ГҮТ, МИИНТЭ БЕНЗИН ХААНАБ?

Сэлэнгын зүүн эрье. "Электромашина" ба шэлэй заводой баруун тээхэнэ хүржэ ошобол, хүндэтэ уншагда, абажа ошоһон амһартынгаа дүүрэгтэр хэдышье нуулгаар бензин юулжэ абаха аргатайт. "Мэргэлтэдэй" хэлэхээр, автомашинада арай хэжэ болохогүйл хаш, харин "Дружба" түхэлэй хэрвөө тэрэ бензинээр һөөл улымааар хүдэлдэг. Түхэлхээ энээнине мэдэхэ заримашуул оройшье түшөөр ядардаггүй юм байха. Тезд эндэмнай тэрэ коммунизмын үедэ байха гэлсэдэг дура дооргоороо, хэрэглэмжээрэ абажа байха заправка юм, ушарынш угаа сошордомо байдалһаа. Гайхалтайнш гэхэдэ, аяар 30-аад жэлэй туршада түрэлжэлжэ байһан энэ үзэгдэлье баран мэдэдэг байхалаа гадна, ушар шалтагаанинш оложо ядадаг байха юм. Сэлэнгын эрье дээрэ, уһанһаа 10-20 метрэй зайда, газар дороһоо ёһотойл бензинэй хөбгөрөн гаража байһан хоёр (5х10 метртэй) гадмай бии болоһон. Эндэнш арбаад хонхогор хүрэнүүд малтагданхай, оройдоол 1 минута 10 секундын туршада 3 литрэй баанха дүүрэн бензин хөбгөрөн гаража байдаг юм.

Энэгээр бодоходо—хэды шэнээн бензин Сэлэнгэ руу үдэр хүнигүй ороноб. Хаанаһаа энэ эрэнбэ? Эдэ олон жэлүүд соо хэды комисси шалгааб—харюуғы. Дээрэхэнэнш, 500-гаад метрэй зайда орилодог нефтебаһаал гэжэ тухайлагдана, тезд баримта үгы. 40-өөд онуудаар газар доогуур татагдаһан 150 миллиметр бүдүүн соргын мууданһаа боложо, 100 тошно бензин газар руу шэнгэрэн юм, гэхэн мэдээнүүдшье бии. Тэрэнэй урдажа, шэнгэжэ үгы болотор 20-30 жэл хэрэгтэй юм гэдэнь саарһа дансануудта бэшгэдэтэй. Юрэдөөл, эхин шалтагаанинш эдирүүлхээр үшөө нэгэ комисси мүнөө хүдэлнэ. Тэрэнэй ажалаа дүүргэхэдэнш, дүнгүүдтэйнш тодорхойгоор таанадаа танилсуулхабди, хүндэтэ уншагда. Харин мүнөө дээрэ миинтэ бензинэй "заправка" хүдэлһөөр. Нуулга, канистра барһан зон һубариһаар, Сэлэнгын уһан дам саашаа Байгал далай үдэр хүнигүй бузарлагдаһаар, аюулта "ундаар" хорлуулагдаһаар. Аяар 30-аад жэлэй хугасаада!

В. ШАГДУРОВ.

ЭНЭ ДУГААРТАМНАЙ:

- Нуралсалай, эмшэлэлгын эмхинүүдэй ядуу байдал тухай—2-дохи ньурта.
- Уран зохёолой залуу халаанда зорюулагдаһан тусхай хуудаһан—4-5-даху ньурнуугта.
- Бэлиг суута үльгэршэн тухай дурсалга—8-даху ньурта.



"БУРЯАД ҮНЭНӨӨ" ЗАХИЯЛ ДАА? 1997 ОНОЙ

Түрүүшын хахад
жэлэй захил
хэхээ шамдыт!

Октябрь һара соо бүхы хүдөөгэйхид, мүн хотодо ажаһуудаг дайнай болон ажалы ветеранууд, инвалидууд, олон хүүгэдтэй гэр бүлынхид иимэ хүнгэлэлтэтэй сэнгээр захил хэхэ аргатай:

- 1 һарын — 11010 түх.
- 3 һарын — 33030 түх.
- 6 һарын — 66060 түх.

Бусад зон хотодо иимэ сэнгээр захиха юм:

- 1 һарын — 14160 түх.
- 3 һарын — 42480 түх.
- 6 һарын — 84960 түх.

Редакцида ержэ, 30 мянган түхэригоор хахад жэлэй захил хэхэ болохо юм. Гадна дайнай инвалидууд 15 мянган түхэригоор захиха аргатай.

Хүндэтэ уншагда! "Буряад үнэнөө" хүнгэлэлтэтэй сэнгээр захиһаа шамдаал даа! Регколлеги.

САГ ОШОНО, ШАМДАЯЛ!

1997 оной түрүүшын хахад жэлэй захил хэлгэ ехэл хүндөөр эржэ байна. Энээнине доро дурадхагдаһан мэдээн гэршэлэнэ.

Аймагууд	1996 оной октябриин 15-да захигдаа	Хурамхаанай	Хүндэтэ
Буряад	96	Хурамхаанай	40
Завхан	1	Хяагтын	5
Дорнод	45	Хорини	47
Дундговь	38	Мухар-Шэбэрэй	14
Өвөрхангай	49	Ахын	101
Сэлэнгэ	6	Прибайкалин	2
Төв	44	Хойто-Байгалай	7
Увс	77	Сэлэнгын	16
Ховд	44	Түнхэнэй	121
Хэнтий	77	Ивалгын ба Улаан-Үдэ	78
		хамтадаа	778
		Бүхыдоо	778

Почтын албанай сэнгэй хэтэрмэ ехээр урһан дээрхээ, мүн хотодо, хүдөөдшье мүнгэнэй ехээр дутадаһан ушарһаа захил хэлгэ иимэ хүшэрөөр үнгэржэ байна. Хэды тиибэнь Ахын, Түнхэнэй, Баргажанай аймагуудта захил муу бэшээр үнгэрнэ гэжэ хэлэлтэй. Харин тинхэдэ Хурамхаанай, Хэжэнгын, Зэдын, Яруунын, Хорини аймагуудта "Буряад үнэн" үсөөн захигдана. Залуу уншагдай тоо

олошорхо бээ гэжэ ехэ пайдагдана. Буряадай гүрэнэй университетдэй буряад хэлэ бэшгэй факультедэй багшанартай, оюутадтай уулзалга үнгэргөө һэмди. "Үнэн" һониноо дэмжэхэ, захиһа хүсэлтэй байһанаа тэдэнэр мэдүүлэе юм. Улаан-Үдын бусадшье дээдэ һургуулинуудта, коллеж болон лицейнүүдтэ һуража байһан буряад оюутад, буряад хэлэ шудалдаг һургуулиин шабинар, хүндэтэ багшанар! Таанадтаа хандажа, "Үнэн" һониноо дэмжэжэ, захижа уншахыгтай

уриалнабди. Хүндэтэ уншагда! Сагай хэды хүшэршье һаа, аргынь оложо дуратай һониноо абаад лэ байһанайтнай түлөө манай редакциин коллектив үнэн зүрхэнэй байр хүргэнэ. Улаан-Үдэдэ ажаһуудаг уншагдаһаа үшөө дахин һануулабди: редакцидамнай (Каландариин-видлин үйлсын 23-даху гэр, 3-даху дэбхарта 52-дохи кабинет) ержэ, 30 мянган түхэригоор хахад жэлэй захил хэхэ аргатайг. Шамдагты, нүхэд! Т. САМБЯЛОВА.

XVI конференци Улаан-Үдэдэ хүдэлмэрээ эжилхэнь

Цыбигмит Дамдинжапова

ЭЛГЭЛХЭ НАНГИН ДУҮАЛ

Наванайнгаа номой
 Ньюруудын ираһаар гэнтэ
 Нарата нэгэ үдэрын
 нээхэдэжэ дурасхални хэрибэ.
 Арбан табатайхан
 алая гүлмэр наһандаа
 Алхам бүхэнөө
 анхарха абаритай ябагдаа.
 Үдэшин наранай
 улайха сагай аажамда
 Үргэлхэн хүнэгүүдани
 үргэлжэ дуулан дүүжэндээ.
 Үндэр эрьһээ
 үзэсхэлэнтэ зураг харагдаад,
 Үльгэрэй орондол
 үзэгдөө дүлииршэһэн намда.
 Уһан - гэрэл соо
 урбалдаһан сэнхир тэнгэри,
 Угалзата бургаһаад
 ундаалан эрьһээ нэнгэнэ...
 Тээ холуур
 тобир малнууд бэлшэнэ.
 Томоотой үбгэдтэл
 тулга ууланууд дуурана...
 Нюдэнэй шэмэг -
 нютагай шарайһаа харгаад,
 Нилээд удаан
 нэтэрэн тэндээ хуугааб.
 Нэхжэ ерээд эжым
 нэгэш үгөөр зэмэлээгүй,
 Хүлгэһэн нюдөөрни
 хүлээгдээгүй баярым таагаа гү?..
 Аглахан дайдаа
 адаглаһан тэрэ саһаа
 Аажамхан зурагынь
 абажа хадагалаа нэм зүрхэндөө.
 Эдин нютагайм
 эрдэни субад шарайһаа
 Этээл нангин
 эльгэлхэ дуһал сүршөөл нэм.

ДҮРБЭН АРБЫЕ АЛХААД

Гэгээн үдэрэй үндыхэ багаар Гүнгэнэн дуулахадам Гүнхэн намдаа эжым Гэмэрэн хорогүй амьем Бүхы жаргалаа Бөөлжэ ходо бү байдаа, Бодходоог бэлэй өөгшөөн, Богониш даа, хонгорхон Дүрбэн арбые дүүлин Дүмүүхэн эжынгээ хэлэһые Дүүрэн жаргал эдлээ бэшэш Дүүрэн сэдхэлтэй ходо	Сэсэгээр задарһан үнгын Сэдхэлэйм хүрһэндэ урган Сэбдэгэй сээжым хайраашы Сэлмэг үдэрөө сэгнэн хуунаб. Гэрэй дүрбэн ханадал Гарбал угайм дугы Гантаһан зүрхэ гагнаха Гарым адхаха олон Гажарал баяраа гаталха Галтай, сайтай тахихаб Гансаараа бэшэб - үри Газар дэлхэйгээ гэшхэндээ
дуулахадам унгаридеа, дүтэлэн, амьем хаагаад: дуулажархихаш, гэһээр, өөгшөөн... наһан... алхаад, хэлэһые ханааб. бэшэш наа, ходо	үйлэнүүд урган байнал. наань, тулгатай, үхибүүдтэйб. шадалтай, нүхэдтэйб. хубидаа. гуламтаа. бүлэтэйб, золтойб...



Буряадай уран зохёолшод залуу халаандаа саг үргэлжын анхарал хандуулжа байдаг юм. Мүн энэшые удаа уран зохёолшод Ц.Р. Галанов, Г.Г. Чимитов, Ю.И. Будаев гэгшэд шэнэ зохёолнуудтай танилсажа байна.

С. БАЛДУЕВАЙ фото.



Манай уншагшад Сандан Цыбиковэй шүлэгүүдтэй, суглуулһан дуунуудтай, онһон үгэнүүдтэй танил болоһоор үнинэй.

Сандан Цырендоржиевич Доржи Банзаровай нэрэмжэтэ багшанарай институт дүүргээд, Нарһатынгаа дунда нургуулида удаан хүдэлөө. Мүнөө райОНО-до методистаар ажаллана.

Хүгшэд, үбгэдһөө суглуулһан урданай дуунуудые, онһон үгэнүүдые, мүн өөрынгөө шүлэгүүдые "Буряад үнэн", "Ярууна" газетэнүүдтэ хэблүүлжэ эжилхээр үнинэй ааб даа.

Мүнөө танай анхаралда Сандан Цырендоржиевич Цыбиковэй шэнэ зохёолнуудһаань дурадханабди. Зохёохы ажалдань саашанхи амжалта хүсэнэб.

Г. БАДМАЕВА,
 Россин Федерациин Уран
 зохёолшодой хэлбооной гэшүүн.

БООСООН

(Рассказ)

Зунай намжаа халуун үдэрнүүд түгэсэжэ, ногоон эдээшэжэ, үхэр малдаа үбһэ бэлэдхэхэ хаһа дүтэлөөд, хүн зоной сабшаландаа гараха бэлэдхэлэй хүлгөөн эжилбэ. Дундуур баян Бороодиин Балбар баһа үбһэ сабшаха хүсэлэнтэй, үглөөгүүр эртэ бодонхой хорой соогуураа урагша хойшоо гэшхэлнэ: "Байза, ямар аргаар тэрэ арба гаран десятина газарһаа үбһэ сабшажа абаха хүнбиб?" - гэжэ ханаа үнөөн болошонхой, иишэ тишээ хараашалан, аса тармуураа, эриень орёожо уяһан хажуурнуудаа гэхэ мэтын үбһэндэ хэрэгтэй зүйлнүүдые нэгэ газарта суглуулна. Энэ үедэ мордоод ябаха моригүй, ган гэхэ нохойгүй, орожо амарха гэргүй хүдэр томобэтэй хүйхэр Болсоо хүнгөөр гэшхэлэн дүтэлжэ ябаба.

Уданшыегүй эдэ хоёр золгожо, боосоо хэлсэбэ. "Ши намайе гурбан хоногой туршада хониной тарган мяхаар хүндэлэ. Тиигээд сабшаланһааши үбһэ үдэр соо унагааж, хоёрдохи үдэрын суглуулжа, малаа үбэлжүүлхэ үбһэ абажа үгэбэлни, ши намдаа миниингээ унажа ябаха зэмсэгтэй мори барюулхаш", - гэжэ боосоо найруулба. Зэмсэгтэй мориёо, тарган хониёо харамнаһан Балбар хара буубашые, хоёр үдэр соо үбһэ бэлэдхэхэ гэжэ сэдхэлдээ этигэнгүй, өөрөө сабшаха арга шадал үгы байһан тула тэрэниень зүбшөөбэ.

Гурбадахи хоногой түгэсхэлдэ тарган хониной мяханһаа фиоруушаг юмэн үлэбэ. Балбар баян энээниие хараад, ехэ уйдажа, муудажэ: "Нэгэ арга бэдэрхэ болоол даа, үгы болбол, боосоогоо шүүгдэхэ байнам... Байза, муу болоһон айрагаа үглөөгүүр энэ шолмосто гаргажа, зорёон уулгаха болоол даа", - гэжэ бодобо.

Болсоо үглөөгүүр эртэ бодожо, үлэһэн мяхаяа эдээд, гэрэй эзэнэй үгэһэн айрагаар даруулаад, ехэ хүхиюун дуугаа дуулан, сабшалан хүрэжэ, үбһэ ногоо унагааж захалба. Үдэр соо унагааж дууһахаб гэһэн Болсоо хоёр томо үргэн мүнүүдые хээд байтарынь, гэнтэ доторынь мушхажэ, худхажэ эжилбэ. Нэгэ хэды хажуу тээшээ ошожо хүнгэрһэн хойноо, бүри тогтохоо болиходонь, боосоогоо шүүгдэхэ байһан Болсоо үмдэжэ ябаһан харсагар томо үмдээ тайлажа хаяад:

"Гараха юмэниинь гараг,
 Унаха юмэниинь унаг,
 Хараха хүниинь хараг" -

гэжэ байжа үгэлэн, үнэртэй үндэр ногоо унагааж, үдэшин боро хараанаар сабшажа дүүргэбэ. Үглөөдэрын обоолжо тушаагаад, шүүһэн мориндоо мордожо, саашань наһанайнгаа ута зам үргэлжэлүүлээ гэхэ.

ДУРАНАЙ МҮНХЭ ГАЛХАН

Дуран тухай дурдан дуулаха
 Дууһаггүй галтай уран
 мэдэрэл,
 Дүшэнэй зүргэ дээр дуудаха
 Дүлэбхин тамалшаха долгин
 тэрэл.
 Хайра дуранайм мүнхэ
 галхан
 Ханил нүхэртөө нэнгэхэб
 аалихан.
 Сэжэдэм багташагүй
 байдал,
 Сэдхэлдэм таагдашагүй
 найдал!
 Эрвэжэл байдаг инаг дуран
 Эсэлзгүй байгаалин Агуу
 нюусал.
 Мүшэтэ замбинин хүнүүд
 баран
 Мүхэшгүй байдалай домог,
 туужал.

Дашама Доржиева

СУРАНЗАН - ДУРАН

Хадын мододой
 Хагсуухан нэбшээндэ
 Ханхинуур дуугаа
 татахада,
 Унихэн хүлээһэн
 Үнжэгэн дураа
 Угылэн зүрхэмни
 гунигладаг юм.
 Залинта аадарай
 Замхан болиходо,
 Задаран сэсэг
 халбардаг юм,
 Сэдхэлдэм мүндэлхэн
 Сэбэрхэн дураа
 Сэгнэжэ зүрхэмни
 уялдаг юм.

Екатерина Шенхорова

ХАРИЛСААН

Энэ дэлхэйн хүрһэн соо
 Элһэн боложо тарахабди.
 Энэр тобшын тайлажа,
 Эхэ газартаа хорохобди.
 Эсэгэ Малаан тэнгэриэ
 Эсэс дээрээ дурдахабди.
 Энээхэн наһанай мүнхэдэл
 Эндүүржэ ябаһанаа
 ойлгохобди.
 Дэлхэйгээ тэбэрин эзэлхээр
 Дамы юунд аашалнабиди?
 Дорхон мориндол сагые
 Тогтоохобо оролдонобиди?
 Дайдын байханиие

шубуундал
 Дуулажа жаргаха
 яанабиди?
 Углөөгүүр шамтай
 золгоходом,
 Үтэрхэн саашаа болонолши.
 Үргэһэ нойроо алдаһандал,
 Уһатуулан нюдөө
 зогсонолши.
 Үнжэгэн сагаан шарайдаш
 Үхинэй гомдол бэшэнхэйб.
 Улиртэл уян бээдэш
 Эхэнэрэй шэнжээр
 шэнгэнхэйб.

